

良

辰

樂

事

良辰樂事

燕市念菴大夫舊詞

中呂粉蝶兒

管氣飛灰日初長冽寒已退聖明朝樂享雍熙
滿皇都春回轉共霑新歲見家家粧點門楣幾
潛兒不同往日

醉春風

芝蔴楷徧簷插木炭頭沿戶倚黃錢高掛兩門

傍端的是喜也喜更有那降鬼鍾馗加冠童子
進財神位

紅繡鞋

貼一副蠟箋紙宣特門對上寫着陽春布萬物

光輝紙門神對面兒逞雄威左邊的執着鐵斧

右邊的掌着瓜錘恰便似定唐朝胡敬德

滿庭芳

龍涎燒起湘簾低簇繡幕高垂燈杆上縛松和

檜高與天齊庭階下收拾的似水廳堂中鋪設
的偏奇兩三夜何曾睡辦年食節禮熱鬧似擺
筵席

普天樂

燒上夢 辟瘟丹 一陣陣 蒼木味 表出夢 新正氣

象端的是守歲相宜獻供養敬祖先焚紙馬酬

天地爆竹如雷驚邪祟燒生盆取吉除疑四壁

廂火光繚繞香烟變豔更和那燭影光輝

石榴花

一家兒 窮忙鬼亂到三十準備着慶喜遞三盃

老公婆穩坐定笑嘻嘻小兒男拜禮訓教端的

道殷勤孝弟將身立當官差買賣爲題如今新

春節至你添了一歲休貪花少戀酒莫胡爲

鬪鶴鶉

剛能勾酒過三盃不覺的東方亮起梳洗的頭

臉兒光鮮打扮的身子兒兒俊美濟楚衣冠所事

賞。比尋常更整齊。先拜了恩府恩官。後拜了親朋鄰里。

上小樓

街市上

經營靜寂。

來往的

人稠人密。

你看那

抬

轎的

拿般挑腳的

的

作勢趕腳的

的

施爲。

乞兒每

倚

定門。討嘴吃。長吁短氣。

口兒裡

要餛飩。

他說

一

年之計。

么篇

剛送出張世英。又撻進李彥實。你看他义手躬

身假意虛情。邈讓謙推。一箇說有生受多起動

重衆光輝。一箇說拜望遲。勿蒙見罪。

十二月

進門來慌忙施禮。敘罷了長幼尊卑。腦袋兒連
磕。至起說從前言語差遲。你和俺一般見識。自
今日道過了。休題。

堯民歌

呀我見他慌忙扒起走如飛。一箇價扯衣襟。

怎容回。一箇說見成熱酒飲三盃。一箇說看經。

喫素忌初。他兩箇強了一會只得吃幾杯。纔

能勾唱喏抽身退。

耍孩兒

自從那日初辰拜到時過未。卽漸的挂肚撐腸。

酒力西歪東倒脚高低。一霎時不覺的昏迷頭。

低眼豎人難認。腿軟腰彎步怎移。眼看着醺醺。

醉少不得眠街臥巷。那裡有展被鋪席。

七煞

從黃昏睡到起更時。醒來時要水吃。翻身一手
摸着地。兩腿不住觀天象。只見星移斗柄回。頭

啞嘴

連聲碎。也是我新年晦氣。尋思起有甚便

宜

六煞

繫腰兒不見了。我刺兒在那裡。沿街滾破了。了天

羅地新衣服扯綻了襟和領凍臉上磕傷了嘴
共鼻怎見俺那秋胡戲空懊惱賭神發咒血條
子再也吃。

五煞

初七入拜罷年盼元宵月色輝家家燈火安排
畢村的俏的街頭闖老的小的厮混擠到處裡

閒遊戲小姑兒厮跟定嫂嫂外甥兒扯住了姨

姨

四煞

先遊到大市街，後盤桓背巷裡。走橋因地君須
記。小的走了身無病，老的走了腰也直。強似教

醫人治。

且拚箇

通宵不寐。

怎肯教

虛負了

佳期。

三煞

一處處博戲高，一叢叢社火齊。

端的是

歡娛正。

遇豐年歲，南來絃子和琵琶。北去笙簫對管笛。

打鼓唱。

荆釵記。

熱鬧似

搬房拜廟。

喧嘩的

如過。

鼓奪旗

二煞

女孩兒不見了。娘。男子漢。谷破了。妻東奔西走。
難尋覓。三更漸漸人行少。四鼓看看月墜西。家

家纔把

門兒閉。雖然是

金吾不禁。

怎當他

玉漏

頻催。

一煞

纔覺的心內。灰吃緊的肚。又饑。少魂沒寔思量。

睡兩隻腿脚如石重一片心腸似箭疾

盼不到

家闌內

帶衣兒

連忙倒臥

困騰騰

一似着迷

尾聲

到天明扒起來事事的都後悔被窩裡

說

幾句

牙疼誓來歲依然只樣

兒的

附小詞

雁兒落帶得勝令

和元學士汪雲林
一首首之三十二

愁聞長樂鍾懶跨黃門鞞無心肉食謀有分齋

鹽齏歲月耳邊風。富貴眼前榮。岐路亡羊客。窮途失馬翁。機鋒使盡全無用。崢嶸看來總是空。

又

前程似箭疾。逆旅如川逝。覆盆不見天。戴笠難窺日。雞甕不須疑。牛後怎甘棲。未病先求藥。防危早下梯。休題朱紫三公貴。歸期滄浪一釣磯。

又

浮策蟻上槐。虛世風傳籟。身居苦海中。名落孫

山外無分上雲臺。何處訪天台。但得閒身在，常
教笑口開。合該綠野如相待，休猜青春不再來。

又

籠中日月搬水上。乾坤漫光陰。止百年愁病居
多半。無翅效鵬搏。有意似龍蟠。季子休誇印。蓬
萌已掛冠。多搬心內何須筭。無端眉頭且莫攢。

又

浮生夢裏過塵事。籠中坐。財多害反多。官大愁

還天黑海已驚波。綠髮漸成皤。失意休彈劍，歸
心且棹歌。吟哦守口防詩禍，蹉跎開懷敵酒魔。

又

年華一夢蝶，名利千家舍。電光瞬息飛，石火須
臾滅。何用使喉舌，不必下鋏鍬。看破穴中蟻，舉
開酒內蛇。周摺枉惹兒孫業，癡呆空遺世代嗟。

又

花間構一亭，竹裏開三逕。身閒夢寐安，事簡乾

坤靜烏帽與黃鞵。白璧點青蠅。有子心先足。無
官身更輕。虛名得失皆前定。浮榮行藏索自評。

又

叅詳滋味熟。看覷機關透。排場戲轉新。宦海波
仍舊。文繡喻犧牛。衣冠比沐猴。壯志驚蓬髮。閒
身且敝裘。知休名利休拖逗。回頭英雄盡土丘。

折桂令

世事多少叅差。那得堅牢。誰耐磷緇。紫陌鳴珂。

朱門曳履金谷塗脂大都來一般樣子空費了
百種心思世事如斯何必嗟咨對酒當歌休負
良時

又

人生難得清閒磯虱貂裘塵土雕鞍百事悠悠
幾年碌碌兩鬢斑斑急流中扁舟快挽夕陽邊
倦鳥須還名利閒關歲月催殘休想南柯且臥

東山

又

山林清趣誰知。空谷猿吟。脩竹鶯啼。泉石爲盟。
烟霞作伴。荷芰成衣。然指間光陰。有幾。轉頭來
世事皆非。成敗休題。得失奚疑。落得逍遙。就是
便宜。

又

閒身且任徜徉。豈爲逃名。不是迷邦。怯似搏熊。
拙如待兔。懶賽亡羊。問甚麼難封。李廣。何須題

易老馮唐檢點行藏儘自疎狂。遁跡蓬蒿濯足
滄浪。

又

紅塵不到閒門。逕路雖荒松菊猶存。石上橫琴
花間待月。樹杪看雲。丘樊冷真爲小隱。辛粟收
豈是全貧。煩惱休論笑語須頻。避却豺狼想甚
麒麟。

又

南牕一枕高眠蝶。蟻雖親車馬無喧。竹裏蝸廬
花邊鳩杖。柳下漁船。喂一頭。尋春瘦。塞種兩頃
負郭薄田。且省縈牽。休惹熬煎。淡飯粗衣。過遣
隨緣。

又

眼前寵辱休驚。人事參差。天道虧盈。跡謝朱門
心依丹壑。口誦黃庭。盧生枕。打開夢境。步兵厨
攻破愁城。鷺約鷗盟。詩社棋枰。百歲開身。千古

芳名

又

眼前誰是知音。流水高山空抱。瑤琴身遠。鵷班
名辭狗監。詩謝雞林。且看取高陽痛飲。再休羨
季子多金。白髮盈簪。綠野成林。皓月清風不費
招尋。

朝天子

景陽宮曉。鍾鳴珂巷。玉驄總是南柯夢。生來無

分紫泥封機巧成何用。捉霧拿雲攀龍附鳳。這
心腸無半種。主一條瘦筇。引一箇小僮。沿村墮
照耕種。

又

從離了建章高臥在北窻。與寄羲皇上。十年飽
食大官羊。回首成虛妄。盜嫂招誣明珠惹。謫儘
他人間論講。接興楚狂。赤松子房到省。夢寃家
帳。

又

喜碧山日親把銀魚早焚銷繳了功名分輅車
鳩杖鹿皮巾也不讓黃金印晚景無多前途休
問趁明時自在隱尋幾箇故人圍坐在華門嘗
則把陰晴論

又

身離了錦鞍手持着釣竿秋風起思張翰年華
鏡裏暗凋殘往事成虛幻肥馬輕裘千鍾萬貫

到如今時候晚。糊塗案已翻。痴呆心快剗。好逕
席終須散。

又

竊祿分本薄。遁世心又高。枉被兒童笑。星霜點
染髮。蕭騷斷送人。年少平野堪耕。清溪堪釣。這
光陰休教錯。趁如今不賒。到何日是了。惹杜宇
聲聲叫。

又

虎狼叢近狎魚龍。隊混雜。受了夢閒驚怕。歸來
還整舊生涯。往事都勾罷。二頃田租。一門婚嫁。
畢罷了閒笑耍。繁華且讓他清閒。須落咱這福
分知誰大。

又

脫離了陸沉。且歸來故林。襪線才能勝任。菱花
漸覺二毛侵。怕甚麼讒和譖。落得清閒。誰來拘
禁。日三竿猶自寢。知己酒滿斟。會家詩細吟。不

快活圖夢甚

又

虎頭牌懶沾。兔毫管怕拈。爵祿誰歆艷。行囊檢點。不須嫌止。有琴和劍。揣分安貧。隨緣守儉。安想心無半點。看雲生捲簾。趁日晴曝簷。把兩字清閒占。

沉醉東風

怕待看蛾眉妒寵羞。題起蟻陣爭雄。瞞着心狠。

做作。睜着眼。胡踢弄。怎脫離。天地牢籠。辛苦爭
如食蓼虫。尚兀自心腸懵懂。

又

蝸角名徒。勞技痒。蠅頭利在。惹心忙。急穰穰。螳
捕蟬。惡狠狠。蛇吞象。巧機關。百樣千椿。回首榮
華不久長。都做了漁樵話講。

又

名與利難尋。布擺吃和穿。儘會安排。芒鞋粗布

袍淡飯黃齋菜論甘貧不說彭澤五柳沿門密
密栽落得箇清閒計策。

又

東洋海波濤滾滾霸陵橋車馬紛紛官高休羨
樂命蹇須安分靠青山驟閉柴門閒把英雄細
討論能幾箇到頭安穩。

又

躲避了邛峽九坂受用煞蓬草三竿雞鷲場小

鬪爭魚龍海。誰經慣。虎狼叢。沒計遮攔。險阻爭
如蜀道難。因此上。心灰意懶。

又

窮福分。剛消薄產。抽材料。怎做高官。百般事難
自由。入箇字。何須算得清閒。那樣心寬。識破人
情。袖手觀。再不去爭長競短。

又

窮快活說來。不假散神仙。真箇堪誇。才成八斗。

名文抵千金價不逢時怎得騰踏世路羊腸要
把滑休當做尋常戲耍

又

門巷外旋栽楊柳池塘中新浴沙鷗半灣水遶
籬幾朵雲生岫愛村居景致風流閒啜盧仝茗
一甌醉翁意何須在酒

掛枝兒 二十首之八

日初長柳絲綻黃金模樣雨纔過桃花撲面

清香賣花人一聲聲喚起懷春情況。蝴蝶兒爭
新綠。燕子兒語雕梁。打點出那小扇輕羅也遠
要去流水橋邊賞。

又

新竹兒倚朱欄。清風可愛香几兒。靠北窗雅稱
幽齋。千葉榴並蒂蓮。如相比。賽槐陰。下清風靜
垂楊外。月影篩。忽聽的幾箇嬌滴滴的聲音也。
笑着把茉莉花採。

又

秋海棠喜庭陰偏生嬌艷。桂花兒趁西風越弄
香妍。金沙葉銀扭絲。凌霜堪羨。開一尊新釀酒
打疊起繡花奩。聽一會窻兒外的芭蕉也。又把
細雨聲兒顯。

又

水仙花嬌怯怯。流香几案綠萼梅清影瘦斜倚
危欄剪冰紋。霎時間把青松不見烹茶也。自好

對酒且開簾。圍上那肉作的屏風也。偏覺的氣
候兒。變。

又

我教你叫我聲。只是不慮木等說。就叫我纔是
真情。背地裡。只你我推甚麼。佯羞佯性。你口兒
裡不肯叫。想是心兒裡不疼。你若有我的心兒
也。如何開口難得緊。

又

我心裡但見你就要你叫。你心裡怕聽見的。外
人學纔待叫。又不叫。只是低着頭兒笑。一面
低低叫。一面又把人瞧叫的。雖然艱難也。意思
兒其實好。

又

俏冤家。但見我就要我叫。一會家不叫。你你就
心焦。我疼你。那在乎叫與不叫。叫是提在口。疼
是心。想着我。若有你的真心也。就不叫也是好。

又

俏冤家非是我好教你叫。你叫聲兒無福的也。
難消。你心不順。怎肯便把我叫叫的這聲音兒。
俏聽的往心髓裡澆。就是假意兒的劬勞也。比
不叫到底好。

雙疊翠 二十首之八

怕逢春。怕逢春到的春來病轉深。推不過困人
天。懶看這紅成陣。行也難禁。坐也難禁。越說不

想越在心似這等枉添愁可不辜負了春花信

二

夏不宜夏不宜綠陰惱煞亂鶯啼。一般是解慳
風吹不散愁人意暗數歸期頻卜歸期荷香空
自襲人衣最可憐是明月時怕自往紗厨去

又

怕逢秋怕逢秋。一入秋來動是愁。細雨兒瀟瀟
冷黃葉兒看看驟。打着心頭。冷了眉頭。鵲橋

是不長留他一年一度親強如我不成就

又

冬不宜冬不宜愁心只我與燈知撥盡了一夜
灰盼不出三竿日展轉尋思顛倒尋思衾寒枕
冷夜深時只得向夢兒中尋夢兒中又恐留不
住。

又

春相思春相思游蜂牽惹斷腸絲忽看見柳絮

飛按不下心間事。悶透花枝。反恨花枝。軟艷想
着隔牆時。倒不如不遇春。還不到傷心處。

又

夏相思。夏相思。閒庭不耐午陰遲。紈扇兒是他
的熱心兒。只我知強自支持。懶自支持。蘭湯誰
惜瘦腰肢。就是捱過這日長天。又愁着秋來至。

又

秋相思。秋相思。西風涼月忒無知。緊自我怕妻。

宗偏照着淒涼處別是秋時又到秋時砧聲到
語意如絲爲甚的鴻雁來不見箇平安字

又

冬相思冬相思梅花紙帳似冰池直待要坐着
握忽的又盡一日醒是自知夢是自知我便如
此你何如我的愁我自擔又耽着你那裡也愁
如是

鎖南枝 一百首之十六

團團夢夢見他笑臉兒歸來連聲問我我在外
幾載經過你在家盼望如何說一會功名敘一
會間濶喚梅香把酒果恁排與我二人權作賀
萬種相思一筆勾抹猛追魂三唱鄰雞急野眠
一枕南柯

又

團團夢夢不差眼兒他歸來悄聲兒訴咱非是
我失業拋家非是我戀酒貪花非是我負義忘

恩兩頭騎馬爲只爲書劍飄零因此上負却臨
行話吐膽傾心全無虛假欲開言再問箇端的
猛擡身那得箇冤家

又

團圓夢夢的奇一見冤家情同往昔喜孜孜素
手相攜美甘甘燕臉相偎共結綢繆芙蓉帳裡
常言道破鏡重圓果不然也有相逢日玳瑁簪
撒歡他也來道喜剛能勾半霎合諧猛鷺回低

舊別離

又

團團夢夢的真。一會家心驚忽聽的打門。喚梅
香問是何人。他說道是我郎君。昨夜燈花。誠然
有準。笑吟吟引入蘭房。把離情話兒閒評論。妾
命雖薄。君心忒狠。整鴛衾。恰待歡娛。醒來時還
是孤身。

又

傷心事訴與誰。一半兒恩情。一半兒追悔。想着
你要和我分離。平白地起上箇孤堆。用了場心
竹藍兒打水。雖然是你的情絕。也是我緣法上
不對。胡昧了靈心。分明是鬼幾時和你嚷上一
場。再不信你巧話兒相陪。

又

傷心事有萬端。也是我前生業確子不滿。寔指
望買笑追歡。倒惹的恨結愁攢。臥枕着床。犯了

條欸你既然要和我分離也須與箇一刀兩斷
人說你情絕真箇行短瑞香花頭緒兒忒多杖
鼓腔兩下裡厮瞞。

又

傷心事對誰說仔細度量都是我自惹我爲你
使破喉舌我爲你費盡周折誰想恩變爲讐刀
刀見血雖然與你不久相交一夜夫妻如同百
夜有甚麼虧心下拚的拋捨瞞着心只是你精

細吃殺虧認着我癡呆。

又

傷心事對誰學。要見箇明白。惟天可表。你和我
誰厚誰薄。誰情絕。誰性兒難調。誰把誰心全然
負了。也是俺婦人家癡。愚好心偏不得箇好報。
瞎虫蟻逃生。寔撞着你線索。雖不和你見識。一
般殺人可恕。情理難饒。

又

長吁氣恨滿腔。往事都勾話。也不須細講。巧機
關。你暗裡包藏。癡心腸。誰做箇提防。舍灰忘生。
闖在你網。欲待和姊妹們聲說。只恐怕告箇折
腰狀。思之復思想了。又想除非是命喪荒坵。枉
灰城再做箇商量。

又

長吁氣恨轉增。髮亂釵橫。無心去整。想只想你
知熱知疼。想只想你識重識輕。誰知道意變心

更有形無影。起初時那樣言詞。到如今心口不
相應。問着粧不知說着推不省。人說你有夢兒
糊塗。我看你全是箇牢成。

又

冤家債還他不徹。一節不了。又添上一節。欲待
要亂掩胡遮。怎禁他見鬼隨斜。恨只恨冤家心
腸似鐵。經年家強自支吾。無人知我疼和熱。悶
海愁山。誰行去訴說。風月中請問箇知音。閃賺

人筭甚麼豪傑。

又

冤家債還他不及。舊恨纔消。新愁又起。想當初
只說你心實。誰承望下的是活棋。面情相交。不
知其裡。欲待要發狠。蹬開。又怕食之無肉。棄之
有味。這是賣了鮎魚。誇不的大嘴。付能勾。夾及
回頭。過夢時。依舊王皮。

又

冤家債還他不清。除了相思無甚麼可頂。想當初徹底澄清。到今日無眼難明。相交了一場銀瓶墜井。也是俺婦人家心慈。倒弄的人硬貨不硬。再和你相逢。除非是夢境。或長或短。說箇真寔。誰是誰非。路見難平。

又

冤家債還他不完。不是七長就是八短。信別人巧話兒。唆搬倒把我假意兒。撇瞞糊塗。出冤家

全不知冷煖。雖然你不把我留情。只怕藕斷時
絲還不斷。叫一聲蒼天。天如何不管。好共歹也
是你着迷。長和短自有人傍觀。

又

情書至。笑臉兒開。可見我冤家情腸兒不改。件
件事與我安排。句句話說的明白。滿紙春心。猶
帶着墨色。他說我不久回還。你須權把心腸兒
耐。少只在旬朝。多不上半載。喚梅香禪淨了閒。

隅。把冤家筆跡兒高擡。

又

情書至。用意兒讀。親手封緘。再拜上奴路迢迢。
音信全疎。意懸懸。想念如初。爲只爲功名歸期。
未卜。只要你柳色常青。切莫把我名兒污天樣。
花箋寫不盡肺腑。喚梅香你與我參詳。敢怕是
謊話兒支吾。

醉羅歌

開中一笑三百
首之四十八

輕寒輕暖花將放。閒愁閒悶日偏長。鳥雲睡損
懶梳粧。總則是相思樣。紛紛花下。蜂也太狂。翩
翩牆外蝶也太狂。教人對景無情況。愁千疊。淚
兩行。天台何處憶劉郎。

又

惜花惜花愁難罷。春去春去病偏加。閒將心事
付琵琶。訴不盡離情話。主魁薄倖也不似他。桂
英薄命也不似咱。恨來提着名兒罵。情嚼蠟。意

擗沙空勞魂夢遶天涯

又

日長日長愁時候。花落花落病。因由嫁得蕭郎。
喜閒游。泪瀆滿春衫。袖枝頭。鶯囀也。自喚儂。簷
前燕語也。自喚儂。無端空把人拖逗。朝雲散暮
雨收。安排腸斷倚西樓。

又

乍陰乍晴催花綻。多愁多病損芳年。愁將心事

聽啼鶉在拋却針和線花箋空寫也不見還佳
期空過也不見還蘭闥寂寞空長怨無人示誰
與傳悠悠離恨咽湘絃。

滿庭芳

才郎行短。釵分雙鳳。鏡掩孤鸞。心腸走滾難牽。
絆那里貪歡。相思債。生填不滿。糊塗病。儘你厮
瞞。息和筭。清晨到晚。衣帶漸鬆寬。

又

才郎情寡。經年動歲。海角天涯。猛然想起。臨行
話。句句都差。未知他情兒真假。空教我受盡折
罰。章臺下。由他繫馬。難道說不來家。

又

才郎大膽。翻雲覆雨。暮四朝三。平白地空把人
拖賺。故意兒粧憨。分明是因他瘦減。題起來在
惹羞慚。相思擔。遠虧是俺。別箇的怎心甘。

又

才郎見小終朝每日絮絮叨叨故意兒做出虛
腔調要把奴拋又不曾和他厮惱夢兒錯不肯
相饒歹性兒天生拘惹了他這遭終久也難調

又

相思病染前生欠少今世加添無明業火心頭
焰恨感眉尖霹靂性生來好閃強扭瓜到底難
甜心思念恹恹瘦臉空有淚痕沾

又

相思病久。非因中酒。不爲悲秋。看看害的身子。
兒瘦無了無休。寔指望同心厮守。幾曾料潑水
難收。牙疼咒。開合信口。誰似你不知羞。

普天樂

怕黃昏。傷懷抱。後貌篆冷。翡翠衾薄。春愁眉上
覓。鬼病心頭鬧。一點青燈空相照。更無情。風雨
瀟瀟。關山路。遙。衡陽信杳。幾遍量度。

又

倚危樓空長歎。新愁萬種。舊恨千般。羞看蝶與
蜂。怕見鶯和燕。鬼病抑揄誰經慣。短金釵劃損
闌干。啼痕未乾。悶懷又越不似今番。

又

望天涯無音信。鱗鴻未準。蘭麝空薰。思量無到
處。冷落誰問。八字眉。空攢恨。掩重門。幾度
銷魂。從別那人。疾漸瘦。損着甚來因。

又

對菱花添憔悴。羞勻粉臉。怕掃峨眉。三春愁病
身。一種淒涼味。廢寢忘食。心如醉。搵紋綃珠泪。
偷垂尋思爲誰。分明是你。恐怕人知。

又

爲才郎增惆悵。烟迷洛浦。雲鎖高唐。火騰祆廟。
焚水滄藍橋。漲幾種閒情。關心上。偏逢着夜永。
更長。猛然慘傷。何曾望想。誰做隄防。

又

爲才郎添疾病。愁心隱隱，瘦骨亭亭。雕鞍自別，離翠被空閒剩。冷雨淒風人孤另。但合眼好夢難成。長吁幾聲。寧心再等。說話休憑。

又

夢回時。心無柰。香消寶鼎。塵滿粧臺。春來脈脈。情日恁恹恹。害蓮步輕移。門兒外。見雙雙燕子飛來。低頭懶擡。痴心越窄。淚眼頻揩。

又

夢回時愁偏聚。捶床倒枕。短歎長吁。姻緣前世
差。間阻今生遇。目斷天涯。知何處。倚雕闌空自
躊躇。寄紙錦書。敘夢情語。倩箇雙魚。

小梁州

枕痕一線玉生紅。瘦減芳容。翠幃錦帳繡芙蓉。
無人共。離恨幾重重。畫堂簾蔽金鈎控。靜悄
悄。門掩東風。病兒沉。心兒痛。終朝厮送。空自怨
鱗鴻。

又

枕痕一線界胭脂無限相思花箋空寫斷腸詞
誰傳示半晌自嗟咨可憐繡被人獨自恨天
涯游子何之眉上愁心間事生生爲爾憔悴許
多時

又

枕痕一線界芙蓉困眼朦朧繡衾珊枕與誰同
團圓夢覺後卽成空多情却被無情送怕愁

來強理絲桐。燕子樓。桃花洞。恩情雖重。無路也難通。

又

枕痕一線粉香殘。悶倚闌干。秦樓寂寞。玉簫閒。誰經慣。離恨幾千般。腰肢瘦怯。寔難看。每日家。淚指空彈。不索愁。何須歎。古來公案。薄命是紅顏。

朝天子

惜花愛花轉眼春光催。猛然想起俏冤家。半晌
丟不下。月底閑情枕邊私話。你如何都當耍休
誇你滑除。死甘休罷。

又

惜花愛花惹起心牽掛。春來情思亂如麻。多少
閒驚怕。病漸增添。愁難脫。架瘦腰肢剛一把。眼
巴巴。問箇龜兒卦。

又

惜花愛花。忙煞鞦韆架。新來脂粉。不曾搽。消瘦
的人來。怕懶整鴛衾。羞拈羅帳。想歡娛。空半霎。
得他到家。不索題閒話。

又

惜花愛花。露濕凌波襪。思量薄倖。在天涯。心性
忒奸詐。忽刺人歸來。軟曲膝跪下。連聲兒說。記
打。知他理差。偷眼將奴抹。

玉芙蓉

相思病漸深。坐臥如迭。窸對粧臺。幾遍沉吟。茫
茫恨海。心頭浸。隱隱愁山。眉上侵。情難禁。從別
到今。空教我抱瑤琴。無處覓知音。

又

相思病未休。愁悶偏。厮鞦把菱花。欲照還羞。離
情今世。今生受業債。前緣前世修。黃昏後擁鮫
綃。泪流。空教我對孤燈。終夜恨悠悠。

黃鶯兒

春日正遲遲。綠窻前曉夢迷。起來猶自嬌無力。
歎多情遠離。望天涯路岐。柳絲長難把愁縈繫。
繡簾垂閒情就裏。惟有落花知。

又

春草綠萋萋。恨王孫去路迷。離愁萬種憑誰寄。
鶯聲亂啼。花影又移。對良辰空負鶯花意。憶歸
期。陽臺那壁。十二晚峯齊。

又

春燕語雙雙對青樓理宿粧蛾眉蹙損春山樣
花柳正芳蜂蝶正忙新來幾許添惆悵憶桓郎
痴呆半晌無語立斜陽

又

堪笑世情薄百般的都弄巧李四戴着張三帽
歪行貨當高假東西說好哄殺人那里辨青和
皂許多遭科範總好到底被人瞧

又

一會家笑呀呀老年來偏好耍眼前世事無牽
掛葫蘆提打發休認真惹他十八石不是芝蔴
價笑呀呀粧醜做癡笑罵且由他

又

一會家笑呵呵老年來知調縣眼前世事都瞧
破怕爭少競多懶尋處覓活寒號虫得過由他
過笑呵呵早收園結果念幾聲南無佛

沉醉東風

一會家從頭自付數年來枉費辛勤雖懷着狗馬心那裡有麒麟分沒來由東走西奔但能勾過遣隨時不受貧說甚麼官居一品。

又

一會家從頭自揣八箇字天已安排着盡了英與雄枉惹些災和害到頭來那顯青白但得箇二頃薄田五畝宅說甚麼名揚四海。

又

一會家從頭自剖。把浮生萬事都勾。也不流百
世芳。也不遺千年臭。且粧呆袖手藏頭。每日家

幾句新詞。信口謔說甚麼才高八斗。

又

一會家從頭自數。再休題得失榮枯。生爲這名
利忙。枉把夢英雄。悞可惜煞者也之乎。從今後
花下常攜酒一壺。說甚麼功成萬古。

又

爭名利瞞心昧已趨權勢做小伏低誰能勾百
歲活到筭下千條計那裏有不散的筵席仔細

思量莫太迷試看取張良范蠡

又

巧機關藏頭露尾喬模樣只是心非掇弄的意
似癡禁害的心如醉那里想熱鬧處撥回越是
儂儂越吃虧幾曾見澄清徹底

又

破衲襖剛能袖手。矮屋簷儘可低頭。且由他忙
處過。落得我閒中受。那里得可口的饅頭。這滋
味從來看得熟。怎肯去將沒作有。

又

愁布袋拆開罷手。悶葫蘆打破休畱。擇別了沈
萬三。結識上王十九。到與他緣法相投。別箇
人生面不熟。怎做俺知心故友。

又

老師婆瞞神說鬼小僕儻搥鼓奪旗心腸內狠
做作嘴臉上喬張致都只要趁水活泥甫能勾
活成一大堆撞倒東牆又不壘

又

這壁廂鷹牙鷄爪那壁廂虎背熊腰人爭強馬
鬪騰弓上弦刀出鞘惡狠狠殺氣偏高爲甚先
生眼閉着看不上碎頭忙腦

醉太平

香消麝蘭玉減容顏閒愁閒悶幾多般常淹着
淚眼抑揄病寫下紙離魂案裏涼債推幾夜孤
辰限糊塗夢撞入箇鬼門關都只爲薄情人未
還。

又

愁心難把鬼病偏加許多時脂粉不曾擦險夢
兒害殺別離後漸長起恩情價音書內細寫着
衷腸話離闌外對望的眼睛花不見俺薄情人

到家

一江風

望天涯買編金錢卦。淚濕鮫綃帕。夕寃家棄舊
迎新負德辜恩。忘了當初話。薄情誰似他。癡心
誰似咱。恨起來。起着名兒罵。

又

爲多情門掩黃昏靜。獨自捱孤另。到初更廢寢
忘食。怨雨尤雲。衾枕空閒。刺鳴鳴。畫角聲呀呀。

塞雁鳴都則索和愁聽

後序

先伯祖念庵公負開濟之略嘗與崆峒張司馬
雲中尹僉事同修四鎮三關志一官齟齬遽遂
初丞悒鬱不自得恒寄情詞曲以舒瀉其愁思
往往多蒜酪體新聲盛傳一時至聞之禁掖所
著有都邑繁華閒中一笑混俗陶情裁冰剪雪
良辰樂事空中語等集雖經鏤板旋復散軼先
少保搜集其僅存者題曰詞齋特百一而已夫

詞山曲海千生萬熟傳者寔難方元之盛羣英
品目九十八人之外稱傑作者又一百五人迨
明中葉士大夫以曲擅塲者亦不下數十家而
遺音之傳於今者蓋寡昔人目曲子爲餒段以
共如火燄易明而易滅信哉言乎惟公所爲散
曲都人至今猶歌之流傳旣久恐不能無譌因
命工重刻之以待賞音者嗚呼由其達生之言
觀之則懷憂者可以自廣而以才若是不見容

於當代俾老於筭人酒徒之間百世而下憫
志者益見其言之足悲也已公諱效祖字仲修
嘉靖庚戌進士仕止陝西按察副使平生尤長
於詩昭陵嘗遣中使索公題冊呼劉念菴而不
名顧遺集無存僅散見諸家選本芳躅將謀採
緝嗣刻以行冀海內藏書之家或有存者覽是
編而郵寄俾風雅之音不泯於世則芳躅寔有
厚望焉

康熙九年歲在上章閏茂暮春之月從孫芳躅

拜手書後

重刻詞辯後序

詞曲開山始自太白菩薩蠻兩調厥後盛於宋
濫觴於元至明人而翻空絢爛極矣今其書具
在寓目一遍非文章中之艷觀哉或曰詞曲無
莊語律以六經四子似爲非聖之書操觚而登
作者之壇恐非大儒所屑爲噫此非大儒之言
而拘儒之言也聖賢講學性道發爲文章文章
之言性道語果必皆莊也尼父之於詩曷不盡

刪夫鄭衛豈非以懲以勸卽教人以復性聞道
乎張新建嘗語湯臨川云以君之辨才握麈而
登臯比何渠出濂洛關閩下而返漏於碧簫紅
牙隊間將無爲青青子衿所笑臨川曰某與吾
師終日講學而人不解也師講性某講情張公
無以對夫臨川憤時疾俗解綬歸玉茗堂似宜
踐晦菴之迹著述理學諸書以詔後世若之何
大放厥詞撰爲四大夢俳諧不恭而謂之講學

蓋以富貴利達之徒迷於邯鄲枕上大槐枝頭
沈酣不寤若明目張膽以孔孟之語折之未必
不發彼大笑以爲吾之迂濶無當也乃一以詞
曲寓言高撞晨鐘庶足喚醒一切而藉以發余
牢落不平之氣嗚呼臨川之心苦矣意深矣豈
可與一二流俗道哉 先伯祖憲副公得無近
是公讀六經四子之書性命經濟頗具釋褐而
後豈不願大行所學而顧僅僅以詞曲名但時

宜弗合勢與願違而五斗米之奉遂不能留七
不堪之身也是以掛冠神武戴笠青田凡遇可
喜可愕可悲可笑之處橫口橫筆一一寄之短
歌長調中而發乎性情未嘗不止乎禮義公之
詞儼然屈大夫之騷也又宛然堯夫擊壤集自
沙江門詩也歌咏在是講學卽在是豈搖膝浪
吟者比乎故當年流傳禁中新聲輦下至今猶
叶竹肉未艾也惜全刻散軼止存百一先少保

一嚮珍藏司空先兄重刊問世每拭案開卷憲
副公鬚眉氣魄猶宛於楮墨間遇之奈未幾而
藏板又失僅有一冊存之巾笥假非再壽梨棗
恐數十年後不免爲叔夜廣陵散矣嗚呼裴駟
桓譚尚能爲史記法言作傳人况爲人子孫而
不克守先人遺書其有媿於邵伯溫系述皇極
爲何如也於是搜薄俸假梓人仍鏤板於大寧
署中雖不敢云貴洛陽之紙庶足備名山之藏

海內名公不乏公瑾其人寧無過而願焉者乎
故敬跋於後以俟高明論定焉

康熙二十九年歲次庚午孟夏月從孫芳永沐

手謹序